

► *Diadomingo, "Elf van de Elf", apertura di Aruba su Carnaval 48*

Reconocimento na Mr. Calvin Assang como "Sanicolaas Carnival Legend"

A wordo recorda fayecimento di 3 carnavalista mas di San Nicolaas

ORANJESTAD

Diadomingo "Elf van de Elf" tabata apertura di Aruba su Carnaval 48, na unda nos a recorda fayecimento di 4 carnavalista di San Nicolaas, e aña aki 2001. Sonny Peters, Bayan Robins y Marx Reemnet. Algun dia pasa 29 di October 2001 un otro carnavalista popular, pilar du San Nicolaas su carnaval a fayece, Mr. Carvin Assang cu awendia hopi no a conoce como carnavalista.

Pero durante ultimo 5 aña tabata dispuesto pa combersa riba historia di Aruba su Carnaval.

Dia 21 di Augustus 2000 pa 11'or di mainta, Marcia Stamper a bai bishite personal, despues di a papia algun biaha cune na telefon. Ecombersacion a dura 3 ora y mei. Eynan Marcia a pone na altura cu e ta bai tin un homenahe pel'e den su tema pa Carnaval 47.

"Homenahe di Siglo" pa Coastal Carnival Group. Y el a contesta Marcia, Thank You. Marcia por bisa cu na Aruba hopi di nos hendenan cu ta aporta den diferente sector ta muri bai sin cu por haya un reconocimiento mereci.

Tambe Marcia por a ripara cu varios di nos carnavalista nan ta sinti nan mes lubida special e grandinan. Y ta tristo pasobra sin ta pa nan, awe nos carnaval no ta mundialmente conoci.

Mr. Calvin Assang manera Marcia ta yame a combersa cune di su carnaval. Na 1946 despues di Segunda Guerra Mundial, el a haya un pensamento pa cuminsa cu algo di Carnaval.

El a reuni cu un paisano y amigonan pa nan bai celebra fin di guerra. Nan tabata biba den "Bachelors Quartors" y nan Lago Club nan tabata reuni y a pasa contento. Cu trahenan, pañanan bieuw y bandera di diferente pais nan a canta y baila cu trompet y algun steal-band hunto cu Shu-Shu-Baby den cayanan di Lago-Heights. Cu smak nan a baila y na caminda nan a topa cu 3 polis

cu a bisa nan cu ta prohibi pa pasa tereno di lago. Pa 4'or di atardi polis a bisa nan pa bai bek. Pero nan a pifia y a baha bai balia den Sabana unda awe ta Coastal Service Station.

Di eynan nan a bai bek "Bachelors Quarters" pa come y bebe.


Pa su mañan den Lago unda nan ta traha a drentele un idea pa cuminsa cu un grupo di carnaval pa San Nicolaas, un grupo pa baila na pia cu trahenan di carnaval y el a logra. Ta pesey Marcia ta bisa danki na Mr. Calvin Assang pasobra Carnaval di San Nicolaas a wordo plane aden refinaria di Lago.

Y te cu dia di awe den mesun refinaria di Coastal-El Paso, awe reunion pa grupo di Carnaval Coastal-El Paso ta wordo teni eyden. Pesey mes Marcia Stamper ta dune su reconocimiento di "San Nicolaas Carnival Legend" y cu e merece mas ainda aki na San Nicolaas.

Mr. Calvin Assang su storia ta largo pa conta. Un cos el a bisa Marcia: "Thank you are a lucky Carnival lady because

now you have all mu secrets". Mr. Calvin Assang ta nativo di Trinidad aki na Aruba el a sera conoci cu Rita Augustine nan a

casa y forma nan famia. El a yega Aruba na 1944 y yuda cu Aruba su desaroyo trahando hopi aña den Lago.



Marcia Stamper, Secretaria FECC pa Aruba y Internacional pa Caribe y Sur America.